



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ՎՃՌԱԲԵԿ ԴԱՏԱՐԱՆԻ ՔՐԵԱԿԱՆ ՊԱԼԱՏ

Ո Ր Ո Շ ՈՒ Մ

ՎԱՐՈՒՅԹԻ ԸՆԴԴԱՏՈՒԹՅԱՆ ՀԱՐՑԸ ԼՈՒԾԵԼՈՒ ՄԱՍԻՆ

11 մարտի 2025 թվական

ք.Երևան

Հայաստանի Հանրապետության Վճռաբեկ դատարանի քրեական պալատը,

նախագահությամբ՝  
մասնակցությամբ դատավորներ՝

Հ.ԱՍԱՏՐՅԱՆԻ  
Ս.ԱՎԵՏԻՍՅԱՆԻ  
Հ.ԳՐԻԳՈՐՅԱՆԻ  
Լ.ԹԱԴԵՎՈՍՅԱՆԻ  
Ա.ՊՈՂՈՍՅԱՆԻ

ուսումնասիրելով թիվ ԱՐԴ/1051/01/24 քրեական վարույթի տարածքային ընդդատության հարցը լուծելու համար Վճռաբեկ դատարանի քրեական պալատ ուղարկելու մասին Կոտայքի մարզի առաջին ատյանի ընդհանուր իրավասության դատարանի՝ 2025 թվականի փետրվարի 27-ի որոշումը,

Պ Ա Ր Զ Ե Ց

**Վարույթի դատավարական նախապատմությունը.**

1. 2024 թվականի հոկտեմբերի 15-ին Արմավիրի մարզի առաջին ատյանի ընդհանուր իրավասության դատարանում ստացվել է Խաժակ Սամվելի

Թովմասայանի վերաբերյալ՝ ՀՀ քրեական օրենսգրքի 396-րդ հոդվածի 2-րդ մասով թիվ 48-0306-24 (ԱՐԴ/1051/01/24) քրեական վարույթը:

Արմավիրի մարզի առաջին ատյանի ընդհանուր իրավասության դատարանը 2024 թվականի հոկտեմբերի 17-ին որոշում է կայացրել թիվ ԱՐԴ/1051/01/24 քրեական վարույթն ստանձնելու և նախնական դատալսումներ նշանակելու մասին:

2. Արմավիրի մարզի առաջին ատյանի ընդհանուր իրավասության դատարանը 2025 թվականի փետրվարի 5-ին՝ նախնական դատալսումների ընթացքում որոշում է կայացրել քրեական վարույթն ըստ ընդդատության Կոտայքի մարզի առաջին ատյանի ընդհանուր իրավասության դատարան փոխանցելու մասին:

3. Կոտայքի մարզի առաջին ատյանի ընդհանուր իրավասության դատարանը 2025 թվականի փետրվարի 27-ին որոշում է կայացրել թիվ ԱՐԴ/1051/01/24 քրեական վարույթը Վճռաբեկ դատարանի քրեական պալատ ուղարկելու մասին՝ ընդդատության հարցը լուծելու համար:

4. Քրեական վարույթը Վճռաբեկ դատարանում ստացվել է 2025 թվականի մարտի 6-ին:

**Ընդդատության հարցը լուծելու համար էական նշանակություն ունեցող հանգամանքների փաստական և իրավական նկարագրությունը.**

5. 2024 թվականի սեպտեմբերի 23-ի որոշմամբ Խաժակ Սամվելի Թովմասայանի նկատմամբ ՀՀ քրեական օրենսգրքի 396-րդ հոդվածի 2-րդ մասով հանրային քրեական հետապնդում է հարուցվել այն բանի համար, որ «(...) նա, խախտել է «Թմրամիջոցների և հոգեմեղման նյութերի մասին» ՀՀ օրենքի 11-րդ հոդվածի 2-րդ մասի պահանջը՝ այն է չունենալով բժշկական նպատակով կամ բժշկի նշանակմամբ թմրամիջոցի շրջանառություն իրականացնելու, թմրամիջոց ձեռք բերելու և պահելու թույլտվություն՝ առանց իրացնելու նպատակի, իր անձնական օգտագործման համար վայրի ձևով աճած կանեփի տեսակի բույսերից ապօրինի պատրաստել և իր տարածքի գրպանում ապօրինի պահել է խոշոր չափերի՝ ընդհանուր 13.94 գրամ քաշով «Մարիխուանա» տեսակի թմրամիջոց: Հիշյալ թմրամիջոցը 01.03.2024թ. հայտնաբերվել և վերցվել է ՀՀ ՆԳՆ ոստիկանության Արմավիրի մարզային

վարչության Մեծամորի բաժնի աշխատակիցների կողմից Խաժակ Թովմասյանի անձնական խուզարկության ժամանակ: (...)»<sup>1</sup>:

6. Արմավիրի մարզի առաջին ատյանի ընդհանուր իրավասության դատարանը, քննության առնելով պաշտպան Ս.Խչեյանի միջնորդությունը, 2025 թվականի փետրվարի 5-ի որոշմամբ արձանագրել է հետևյալը. «(...) Դատարանն արձանագրում է, որ Վճռաբեկ դատարանը տեղի հանցագործության ավարտման պահը պայմանավորում է արարքի դադարման պահի հետ և վերջինիս դրսևորման երկու եղանակ է ներկայացնում՝ առաջինը կապելով սուբյեկտիվ (մեղայականով ներկայանալ), իսկ երկրորդը՝ օբյեկտիվ (հանցանք կատարած անձից անկախ հանգամանքներ) փաստերի հետ: Սույն քրեական գործի շրջանակներում առկա է վերոնշյալ դրսևորումներից երկրորդը, քանի որ ենթադրյալ վերագրվող արարքը դադարել է Կոտայքի մարզում իրավապահ մարմինների միջամտությամբ, այն է՝ անձի ձերբակալմամբ:

Վերը նշվածի լույսի ներքո Դատարանը գրնում է, որ թիվ ԱՐԴ/1051/01/24 քրեական գործով մեղադրյալ Խ.Թովմասյանի պաշտպան Ս.Խչեյանի միջնորդությունը պետք է բավարարել և թիվ ԱՐԴ/1051/01/24 քրեական գործն ըստ փարածքային ընդդատության պետք է փոխանցել Կոտայքի մարզի առաջին ատյանի ընդհանուր իրավասության դատարան: (...)»<sup>2</sup>:

7. Կոտայքի մարզի առաջին ատյանի ընդհանուր իրավասության դատարանը 2025 թվականի փետրվարի 27-ի որոշմամբ արձանագրել է հետևյալը. «(...) Հաշվի առնելով, որ Խաժակ Սամվելի Թովմասյանը 2024 թվականի մարտի 01-ին ձերբակալվել է ՀՀ Կոտայքի մարզում, որտեղ վերջինս անձնական զննության չի ենթարկվել, վերջինիս մոտ, որևէ անօրինական պահվող իր կամ առարկա չի հայտնաբերվել, որից հետո տեղափոխվել է ՀՀ ՆԳՆ ոստիկանության Մեծամորի բաժնի և ոստիկանության աշխատակիցների կողմից վերջինիս անձնական խուզարկության ժամանակ հայտնաբերվել է խոշոր չափերի 13.94 գրամ քաշով «Մարիխուանա» տեսակի թմրամիջոց, այսինքն՝ վերջինիս կողմից ենթադրաբար կատարած հանցանքը ավարտվել է ՀՀ ՆԳՆ ոստիկանության Մեծամորի վարչական

<sup>1</sup> Տե՛ս վարույթի նյութեր, հատոր 1, թերթեր 79-80:

<sup>2</sup> Տե՛ս վարույթի նյութեր, հատոր 2, թերթեր 37-39:

շրջանում և վերջիններին նստավայրը գտնվում է Արմավիրի մարզում, ուստի ղեկավարվելով ՀՀ քրեական դատարանության [օրենսգրքի] 261-րդ հոդվածի 1-ին մասով (...) դատարանը գտնում է, որ սույն քրեական վարույթը ենթակա չէ քննության ՀՀ Կոտայքի մարզի առաջին ատյանի ընդհանուր իրավասության դատարանի կողմից: (...)»<sup>3</sup>:

**Վճարելի դատարանի քրեական պալատի հիմնավորումները և եզրահանգումը.**

8. Սույն վարույթով բարձրացված իրավական հարցը հետևյալն է. հիմնավոր է արդյո՞ք Կոտայքի մարզի առաջին ատյանի ընդհանուր իրավասության դատարանի հետևությունն այն մասին, որ թիվ ԱՐԴ/1051/01/24 քրեական վարույթն ընդդատյա է Արմավիրի մարզի առաջին ատյանի ընդհանուր իրավասության դատարանին:

9. ՀՀ Սահմանադրության 63-րդ հոդվածի 1-ին մասի համաձայն՝ «Յուրաքանչյուր ոք ունի անկախ և անաչառ դատարանի կողմից իր գործի արդարացի, հրապարակային և ողջամիտ ժամկետում քննության իրավունք»:

10. «Մարդու իրավունքների և հիմնարար ազատությունների պաշտպանության մասին» եվրոպական կոնվենցիայի 6-րդ հոդվածի 1-ին մասի համաձայն՝ «Յուրաքանչյուր ոք, (...) նրան ներկայացված ցանկացած քրեական մեղադրանքի առնչությամբ, ունի օրենքի հիման վրա արեղծված անկախ ու անաչառ դատարանի կողմից ողջամիտ ժամկետում արդարացի և հրապարակային դատաքննության իրավունք»:

10.1. Մարդու իրավունքների եվրոպական դատարանը, «օրենքի հիման վրա արեղծված դատարան» հասկացությունը մեկնաբանելիս նշել է. «Այն երկրներում, որտեղ օրենքը կոդիֆիկացված է, դատական համակարգի կազմակերպումը չի կարող թողնվել դատական մարմինների հայեցողությանը, սակայն դա չի նշանակում, որ դատարաններն օժտված չեն համապարասիան ազգային օրենսդրությունը մեկնաբանելու որոշակի ազատությամբ»<sup>4</sup>:

<sup>3</sup> Տե՛ս վարույթի կյութեր, հատոր 3, թերթեր 3-6:

<sup>4</sup> Տե՛ս Մարդու իրավունքների եվրոպական դատարանի՝ *Gorgiladze v. Georgia* գործով 2009 թվականի հոկտեմբերի 20-ի վճիռը, գանգատ թիվ 4313/03, 69-րդ կետ:

Միննույն ժամանակ, դատական մատչելիության իրավունքի համատեքստում Մարդու իրավունքների եվրոպական դատարանը նշել է, որ «Ներպետական դատական արյանները դատավարական կանոնները կիրառելիս պետք է ձեռնասահ մասն դրանց չափազանցված ձևականացումից, որն իր ազդեցությունը կունենա դատավարության արդարացիության վրա»<sup>5</sup>:

11. Վճռաբեկ դատարանը *Գևորգ Հարությունյանի* գործով իրավական դիրքորոշում է ձևավորել այն մասին, որ «(...) Գործերի պատշաճ ընդդատությունը, որպես արդար դատաքննության անհրաժեշտ բաղկացուցիչ, հիմնարար իրավական արժեք է: Դրա հիմնարար բնույթը բխում է արդար դատաքննության ինստիտուցիոնալ փարրից՝ անկախ, անկողմնակալ, իրավասու և օրենքի հիման վրա սրբեղծված դատարանն ապահովելու պետության պոզիտիվ պարտականությունից: Իսկ այդ պարտականությունն իր հերթին, ըստ էության, ամրագրված է Հայաստանի Հանրապետության իրավական համակարգում բարձրագույն իրավաբանական ուժ ունեցող այնպիսի նորմատիվ ակտերում, ինչպիսիք են ՀՀ Սահմանադրությունը (...), Քաղաքացիական և քաղաքական իրավունքների մասին միջազգային դաշնագիրը (14-րդ հոդված) և «Մարդու իրավունքների և հիմնարար ազատությունների պաշտպանության մասին» եվրոպական կոնվենցիան (6-րդ հոդված): (...)

Պատշաճ ընդդատության հիմնարար իրավական նշանակությունն այն է, որ յուրաքանչյուր կոնկրետ քրեական գործը քննող դատարանի որոշման հարակ կանոնների առկայությունը և դրանց կանխարեսելի գործադրումն անհրաժեշտ պայման են կողմնակի դիրքորդի մոտ այնպիսի համոզմունք ձևավորելու համար, որ փյալ կոնկրետ քրեական գործը քննող դատարանը և դատավորը նախատրամադրվածություն չունեն, և փյալ գործը վարույթ ընդունելիս սուբյեկտիվիզմն ու կամայակայությունը բացառված են եղել:

Այսպիսով, քրեական գործերի ընդդատության որոշման հարակ, կամայականությունը բացառող կանոնների առկայությունը և գործադրումը

<sup>5</sup> Տե՛ս Մարդու իրավունքների եվրոպական դատարանի՝ *Walchli v. France* գործով 2007 թվականի հուլիսի 26-ի վճիռը, գանգատ թիվ 35787/03, 29-րդ կետ:

*պարտադիր նախապայման են արդարադատության մատչելիության պատշաճ երաշխավորման համար (...)*»<sup>6</sup>:

12. Վերոգրյալից հետևում է, որ ընդդատության կանոններն այն չափանիշներն են, որոնց հիման վրա որոշվում է, թե տվյալ գործով որ դատարանը պետք է իրականացնի արդարադատություն: Այդ չափանիշների հիմքում ընկած է ոչ թե իրավակիրառողների սուբյեկտիվ հայեցողությունը, այլ քրեական վարույթի օրենքով սահմանված օբյեկտիվ հատկանիշները, որոնց առկայությունն էլ թույլ է տալիս արձանագրել տվյալ դատարանի՝ այդպիսին հանդես գալու իրավունքն այդ վարույթով: Միաժամանակ, ընդդատության կանոնները կոչված են անձին գերծ պահելու դատական շրջապտույտից, որը կարող է առաջանալ, եթե դատարանները հրաժարվեն գործը վարույթ ընդունել իրենց ընդդատյա չլինելու պատճառարանությամբ:

Ընդդատության ինստիտուտը հիմնարար նշանակություն ունեցող արժեք է, քանի որ այն անմիջականորեն կապված է անձի՝ օրենքի հիման վրա ստեղծված դատարանի կողմից իր գործի քննության իրավունքի հետ: Քրեական վարույթի մասնակիցների համար պետք է կանխատեսելի լինի, թե իրենց գործով որ դատարանը պետք է իրականացնի արդարադատություն:

13. ՀՀ քրեական դատավարության օրենսգրքի 261-րդ հոդվածի 1-ին մասի համաձայն՝ *«1. Առաջին արյանի ընդհանուր իրավասության դատարանին ընդդատյա են այն վարույթները, որոնք վերաբերում են այդ դատարանի դատական փարսածքում ենթադրաբար կատարված հանցանքներին՝ անկախ քննչական ենթակայության կանոններից»:*

Նույն օրենսգրքի 263-րդ հոդվածի համաձայն՝ *«1. Նախնական դատալստումների ընթացքում պարզելով, որ տվյալ վարույթն ընդդատյա չէ իրեն, դատարանն այն որոշմամբ անհապաղ փոխանցում է ըստ ընդդատության:*

*(...)*

*4. Վարույթն ըստ փարսածքային ընդդատության սրացած առաջին արյանի ընդհանուր իրավասության դատարանը մինչև նախնական դատալստումներ*

<sup>6</sup> Տե՛ս Վճարելի դատարանի՝ *Քնորգ Հարությունյանի* գործով 2011 թվականի հուլիսի 13-ի թիվ ԵԿԴ/0211/01/10 որոշումը, կետեր 15-16:

նշանակելը եռօրյա ժամկետում որոշում է կայացնում վարույթը Վճռաբեկ դատարանի քրեական պալատ ուղարկելու մասին, եթե համաձայն չէ վարույթի փարաօքային ընդդատությանը:

(...)

7. Սույն հոդվածի 4-րդ մասով նախատեսված դեպքում Վճռաբեկ դատարանի քրեական պալատը վարույթը Վճռաբեկ դատարանում սրանալու պահից հնգօրյա ժամկետում վերջնականապես լուծում է վարույթի փարաօքային ընդդատության հարցը: (...):»:

14. Սույն վարույթի նյութերի ուսումնասիրությունից երևում է, որ՝

- Արմավիրի մարզի առաջին ատյանի ընդհանուր իրավասության դատարանը, փաստելով, որ մեղադրյալին վերագրվող ենթադրյալ հանցանքը դադարել է իրավապահ մարմինների միջամտությամբ՝ Կոտայքի մարզում Խ.Թովմասյանի ձերբակալմամբ, գտել է, որ սույն վարույթն ընդդատյա է Կոտայքի մարզի առաջին ատյանի ընդհանուր իրավասության դատարանին<sup>7</sup>:

- Կոտայքի մարզի առաջին ատյանի ընդհանուր իրավասության դատարանը, արձանագրելով, որ մեղադրյալը թեև ձերբակալվել է Կոտայքի մարզում, սակայն վերջինիս մոտ խոշոր չափի «Մարիխուանա» տեսակի թմրամիջոցը հայտնաբերվել է ոստիկանության Մեծամորի բաժնում կատարված անձնական խուզարկության ժամանակ, գտել է, որ սույն վարույթն ընդդատյա չէ Կոտայքի մարզի առաջին ատյանի ընդհանուր իրավասության դատարանին<sup>8</sup>:

15. Սույն վարույթի փաստական հանգամանքները գնահատելով վերոշարադրյալ իրավադրույթների և իրավական դիրքորոշումների լույսի ներքո՝ Վճռաբեկ դատարանի քրեական պալատն արձանագրում է, որ մեղադրյալին ներկայացված մեղադրանքի համաձայն՝ սույն վարույթով ենթադրյալ տևող հանցանքն ավարտվել է այն ժամանակ, երբ մեղադրյալի մոտից ոստիկանության Արմավիրի մարզային վարչության Մեծամորի բաժնում անձնական խուզարկությամբ հայտնաբերվել և վերցվել է ենթադրաբար ապօրինի պատրաստված և պահվող՝ խոշոր չափի «Մարիխուանա» տեսակի թմրամիջոցը: Հետևաբար, Վճռաբեկ

<sup>7</sup> Տե՛ս սույն որոշման 6-րդ կետը:

<sup>8</sup> Տե՛ս սույն որոշման 7-րդ կետը:

դատարանի քրեական պալատը գտնում է, որ սույն վարույթով ենթադրյալ հանցանքն ավարտվել (կատարվել) է Արմավիրի մարզի առաջին ատյանի ընդհանուր իրավասության դատարանի դատական տարածքում:

16. Վերոշարադրյալի հիման վրա, Վճռաբեկ դատարանի քրեական պալատը գտնում է, որ Կոտայքի մարզի առաջին ատյանի ընդհանուր իրավասության դատարանի հետևությունն այն մասին, որ թիվ ԱՐԴ/1051/01/24 քրեական վարույթն ընդդատյա է Արմավիրի մարզի առաջին ատյանի ընդհանուր իրավասության դատարանին, հիմնավոր է:

Անփոփելով՝ Վճռաբեկ դատարանի քրեական պալատը գտնում է, որ թիվ ԱՐԴ/1051/01/24 քրեական վարույթն ընդդատյա է Արմավիրի մարզի առաջին ատյանի ընդհանուր իրավասության դատարանին:

Վերոգրյալի հիման վրա և ղեկավարվելով ՀՀ քրեական դատավարության օրենսգրքի 263-րդ հոդվածի 7-րդ մասով՝ Վճռաբեկ դատարանի քրեական պալատը

**Ո Ր Ո Շ Ե Ց**

Խաժակ Սամվելի Թովմասյանի վերաբերյալ՝ ՀՀ քրեական օրենսգրքի 396-րդ հոդվածի 2-րդ մասով թիվ ԱՐԴ/1051/01/24 քրեական վարույթն ընդդատյա է Արմավիրի մարզի առաջին ատյանի ընդհանուր իրավասության դատարանին:

Նախագահող՝ \_\_\_\_\_ Հ.ԱՍԱՏՐՅԱՆ

Դատավորներ՝ \_\_\_\_\_ Ս.ԱՎԵՏԻՍՅԱՆ

\_\_\_\_\_ Հ.ԳՐԻԳՈՐՅԱՆ

\_\_\_\_\_ Լ.ԹԱԴԵՎՈՍՅԱՆ

\_\_\_\_\_ Ա.ՊՈՂՈՍՅԱՆ